

<https://news.usm.my>

Berita Mutakhir

11

MAR

KEDUDUKAN USM, APEX TARIK PELAJAR JORDAN

USM, PULAU PINANG, 10 Mac 2016 – Calon Doktor Falsafah (Ph.D.) Sains Komputer, Kamal Ibrahim, 43, memilih untuk mengikuti pengajian di Universiti Sains Malaysia (USM) kerana tertarik dengan kedudukannya sebagai antara yang terbaik di Malaysia dan dunia.

"Apatah lagi apabila USM berada dalam kedudukan yang baik dalam beberapa ranking dunia membuktikan saya membuat pilihan yang betul apabila memilih melanjutkan pengajian di sini," kata Kamal.

Tambahnya, apatah lagi berdasarkan carian saya di atas talian, mendapati USM adalah satu-satunya universiti APEX di negara ini dan antara universiti awam yang terbaik di Malaysia.

Selain menyifatkan yuran pengajian di USM adalah berpatutan, Kamal turut menggalakkan keluarga dan rakannya dari Jordan untuk menyambung pengajian di sini pada peringkat Sarjana dan juga Doktor Falsafah.

"Saya telah mengisi borang permohonan kemasukan bagi isteri, adik dan tiga lagi rakan dari Jordan pada minggu lalu. Mereka sangat berminat dengan USM setelah mendengar pengalaman saya selama hampir tiga tahun di sini," jelasnya lagi.

Bakal menamatkan pengajiannya pada awal 2017 kelak, Kamal menegaskan bahawa USM merupakan pilihannya yang paling tepat.

Dia turut menghargai peranan International Mobility and Career Centre (IMCC), yang banyak membantu dari aspek kemudahan, penempatan dan juga sebagai sumber rujukan utamanya di sini.

Teks: Nur 'Izzah 'Atira bt Muhamad Nazmi (pelajar Internship USM)



Pusat Media dan Perhubungan Awam / Media and Public Relations Centre

Level 1, Building E42, Chancellory II, Universiti Sains Malaysia, 11800 USM, Pulau Pinang Malaysia

Tel : +604-653 3888 | Fax : +604-658 9666 | Email : pro@usm.my (<mailto:pro@usm.my>)

Laman Web Rasmi / Official Website : [Universiti Sains Malaysia](http://www.usm.my) (<http://www.usm.my>)

[Client Feedback / Comments](http://web.usm.my/smbp/maklumbalas.asp) (<http://web.usm.my/smbp/maklumbalas.asp>) | USM News Portal. Hakcipta Terpelihara USM 2015